

## Werk

**Titel:** P. Maurus Carnot

**Ort:** Erlangen

**Jahr:** 1919

**PURL:** [https://resolver.sub.uni-goettingen.de/purl?345572629\\_0038|log16](https://resolver.sub.uni-goettingen.de/purl?345572629_0038|log16)

## Kontakt/Contact

[Digizeitschriften e.V.](#)  
SUB Göttingen  
Platz der Göttinger Sieben 1  
37073 Göttingen

✉ [info@digizeitschriften.de](mailto:info@digizeitschriften.de)

5 Sc' in luf la mort cucheg' ord sia tauna,  
 Ses egls pitgivs prest cattan ad agur  
 Sin loscha prada ina giuvna flur,  
 Che rend' al mund bellezza permavauna.

Il miers de sia faulsch ell'aunc emprova  
 10 Trai il manti ners sco la notg, a dies  
 E pass per pass bufatg engiu semova.

Uss ei la leu. „O fui ti flur schi cara!“  
 Ei schul' in tagl, ch'ei va tras cor ed jess  
 La flur flurida strusch, sedersch' en bara.

## P. MAURUS CARNOT.

### Poesias.

#### Jeu lasch' enrescher.

(Nach Igl Ischi, S. 24, 1909.)

Carin vitget sill'amureivla spunda,  
 Pertgei has ti, pertgei po bandischau  
 Il plaid romontsch dals vegls schi carezau,  
 La viarva clara ferma e rodunda?

5 O mira, culla sanguinusa unda  
 Han tes babuns quei plaid romontsch bognau  
 E tes affons han freidamein scatschau  
 La cara schualma dalla veglia grunda!

Pertgei extrader la canzun romontscha?  
 10 Sa il gudogn canzuns bein remplazzar?  
 Freids rest' il cor tier quella nova tschontscha.

Jeu lasch' enrescher, less tei reclamar,  
 Car plaid romontsch, pil qual miu cor ballontscha,  
 Jeu sai plidar, mo mai dacor cantar.

**Carezia della sora.**

(Nach Igl Ischi, S. 178, 1907.)

Co senumna bein sin tiara	Co senumna bein sin tiara
La pli sontg'e ferm'amur?	10 La pli sontg'e ferm'amur?
Arda quella tier la mumma?	Arda quella tier la spusa
Ell'embratscha cauld siu fegl,	Ord ils egls sco steilas clar?
5 Ed embratscha mo sesezza	Spetga, spetga, quellas steilas
Ella poppa de siu égl.	Ardan baul ord stgira mar.
Quei ei buca sin tiara	15 Quei ei buca sin tiara
La pli sontg'e ferm'amur.	La pli sontg'e ferm'amur.

Co senumna lu sin tiara  
 La pli sontg'e ferm'amur?  
 Va tier la fideivla sora  
 20 Vul amur ti encurir!  
 Si'amur ei ina gelgia  
 El flurir ed el murir.  
 O carezia della sora,  
 O ti sontg'e ferm'amur.

**Niev Calender.**

(Nach Calender, S. 28, 1901.)

Niev calender, di, tgei portas?	Niev calender — veta nova!
Meila cotschna, diras tortas,	Mo lavura e sedrova,
Sco il sac de Sontga Clau?	15 Pren il temps, ch' il Segner dat!
O jeu sminel: rosas, spinas,	Meins arrivan, onns svaneschan
5 Clars solegls, cametgs, brentinas	Sco striaunas che floreschan
Has per mei ti mischedau.	Sin las pezzas dis de stad.
Buc empiar' il niev calender!	Il calender vegn en stiva,
El sto quescher, el sto spender,	20 Fors' in led futur arriva
Quel leusi ha fatg il quen.	E ti sas decormein rir.
10 Lez patrun ei nunveseivels,	Fors' la mort sin esch compara
Mo tutina buntadeivels,	E ti statas sper la bara,
Curch' el dat e cur ch' el pren.	Pauper tei, lu sas bargir.

25 Quei calender sez sto ceder,  
 Spert il niev remplaz' il veder,  
 Ah sil mund ei vanadat!  
 Noda si en quei calender  
 Ovras che negin sa prender  
 30 Per igl onn d' eternitat.

**Sche va Calender e salida!**

(Nach Calender, S. 28, 1905.)

- |  |  |
|--|--|
| Sche va Calender e salida<br>Avon tuts auters Quel leusi!<br>El dat a nus ils onns, las jamnas,<br>La tgeua notg, il bi clar di.           | Sche va Calender e salida<br>Las bunas gelgias de nies vitg!<br>Ti sas bein qualas e ti drovas<br>20 Tschercar 'las buca memia ditg. |
| 5 Sche va Calender e salida<br>Il bab, la mumma, il patrùn:<br>Els dein buca esser pegnas freidas,<br>Buca orglas méttas senza sun!        | Sche va Calender e salida<br>Las buccas nauschas cul bastun,<br>Ranvers salida cun urticlas,<br>E culla gleisla il patrùn!           |
| Sche va Calender e festgina,<br>20 Tuts bravs affons stoss salidar;<br>Mo pren è tortas zun durablas,<br>Ils nauschs stoss ti lu balsamar! | 25 Sche va Calender e salida<br>Malsauns e paupers bandunai<br>E di: Beai ein quels che bragian,<br>Els deian esser consolai.        |
| Sche va Calender e salida<br>Bravsgiuvensch' einsemnada spess;<br>15 Els deien esser nossa cruna<br>E buca zens ch' ein ruts e fess!       | Sche va Calender e salida<br>30 Dacor tgi che salida tei!<br>E port' a tuts in onn legreivel<br>E tuorn' in auter onn puspei!        |

**Gratulescha a sesez.**

(Nach Calender, S. 28, 1909.)

- |  |  |
|--|--|
| Tschunconta annadas,<br>Quei fess de cantar!<br>Vegni, giuvenasters,<br>Nus lein giubilar!   | Ah, quellas midadas!<br>Lu mava precis<br>In carr tras la tiara<br>20 Mo mintga otg dis.<br>Uss rocclan las postas<br>Traso tras il vitg.<br>Ch' ei sgolien tras l' aria<br>Quei va buca ditg! |
| 5 Cun mia Romontscha<br>Sun jeu maridaus,<br>Tras neivs e bialaura<br>Cun ella viagiaus.   | 25 Solet ina caussa<br>Vul mai semidar:<br>Il temps sillas rodas<br>Mai eri vul star.<br>Jer ha quella matta   |
| 10 Quei bien signur Placi,<br>Ch' ha nus copulau,<br>Quel ei sin senterì,<br>Ha buca spetgau.<br>E tontas perdetgas<br>Cun flur e tschupi, | 30 Portau il tschupi,<br>Oz eis ella tatta,<br>Damaun buca pli!  |
| 15 Selegran e saultan<br>Daditg buca pli.  |  |

Jeu mez sesmerveglet,	Cun Diu vi concluder
Con vegls che jeu sun;	Miu plaid giubilar,
35 Hai giu per ventira	Il maun buntadeivel
Il megler patrun.	Ad el vi bitschar.
Lez meina las steilas,	45 E ti? Sche ti vegnas
Ils petschens utschals;	Dal Segner clamaus,
Quel muossa la via	Stai bein! -- Ed il Segner
40 Tras vitgs e tras vals.	Sei semper ludaus!

### Igl onn quitordisch.

(Nach Calender, S. 37, 1915.)

Con stgir'ei oz la notg! Il pegns ramuran,  
 En tut il vitg negliu cazzolas pli.  
 Entuorn baselgia van ils morts ed uran,  
 Stizzond lur brausla glisch ein els svani.

5 Lu vegn ei si dal Rein, sco sch'ei tunass,  
 Ed arva la fenestra cun fracass.  
 Spert tegn jeu mauns a Diu e less urar,  
 E stoi tremblar.

In um vegn tier il mir, la notg vegn clara,  
 10 Quel smeina in tizun cul pugn alzau;  
 Jeu aud' il ner e bletsch manti de bara  
 A sgolatschond sco in furius stemprau.  
 Igl um seferma, mira stgir sin mei,  
 Giud il manti daghira saung sil pei.

15 Jeu clom'en gretta: „Has ti dau color  
 Cun saung igl ur?“

El scrola siu manti sur tut la tiara,  
 Clar cotschna vegn la notg sco in burniu:  
 „Sche sas ti buc? Jeu sun igl onn d'uiara,

20 Ord mars de saung ha quei manti bubiu;  
 E quei tizun, quel hai jeu envidau  
 El fug dil bi vitget, dil losch marcau;  
 Sche quei manti fuss buca bein bognaus,  
 Fuss el berschaus.“

25 „Vus cheu steis bein sin quolms ed en valladas:  
 Buc ina plaga sarva per la paisch,  
 Buc ina seif ei rutta tras brigadas,  
 Buc ina brenzla dada en truaisch.

Carstgaun de vall romontscha, vul surstar,  
 30 S'che dumbra mo las fossas en la mar!  
 Vul ti bargir, s'che dumbra ils curdai,  
 Ils bandunai!“

Pli gronds vegn il tizun e pli sgarscheivels,  
 Igl um semein'entuorn, dat il cammond:  
 35 „Vegni, mes morts! Vegni mes sventireivels!“  
 Jeu aud' il schumber plaunplaun a ramurond,  
 Jeu vesel in'armada senza fin,  
 Negliu bandieras, armas tier negiu,  
 E las monduras ein de tuttas sorts,  
 40 — Quei ei ils morts!

Els marschan dus a dus en pasch profunda,  
 Amitgs ed inimitgs ein ussa frars;  
 Schi biars eis ei sco feins sin liunga spunda,  
 Els ein vegni dals camps e dallas mars;  
 45 Sco ils sitgurs retuornan temps de stad,  
 Van els encunter la perpetnadat,  
 Els ein svani sur tuts ils quolms el stgir  
 Sco in suspir.

Puspei tut stgira notg — — Tgei vuschs resunan  
 50 Sco ina mar? Nos babs, nos frars, nos spus,  
 Tgi ha quittau per nus, sch'els nus bandunan!  
 Els ein naven e tuornan mai tier nus!“  
 Tgei liung plirar e tgei immens bargir!  
 Quei ei igl onn quitordisch sin spartir — — —  
 55 Il cor ei pleins. Resuna tras la val,  
 Zenett claustral!

### Jeu sun viagias.

(Nach Calender, S. 40, 1916.)

Jeu sun viagias sur ils camps de battaglia  
 — Jeu crei che jeu sappi perpeten mai rir —  
 Neu dallas Carpathas entochen la caglia  
 Che sto sper la mar sanguinusa pirir:  
 5 Armadas en flur e vigur ein naven,  
 Ei tucca da miert, tut il mund ei il zenn.

- Jeu sun viagiaus sur las alps e pistiras:  
 Nu' ein ils signuns, che cantavan pli baul!  
 Solet in vegliurd sin las trestas planiras,
- 10 Nègina segir pli resun' egl uaul;  
 La matta stat legra, mo bragia dascens:  
 „Il bab sut las armas, mes frars ed il spus!“
- Jeu sun viagiaus el Tirol tier la stiva,  
 In mam dat la mumma bargend agl affon:
- 15 „Tiu bab ei leuora, il bab baul arriva —  
 Con staunchels sto' l' esser! Con liungs ei quest onn!“  
 Ensi stend' il pop la manutta e ri;  
 In griu della mumma: „El tuorna mai pli!“
- Jeu sun viagiaus tier la Roma eterna,  
 20 Tiel Bab dils fideivels bargend ed urond,  
 Tier quel che las olmas dil Segner governa:  
 „Cammonda la paisch!“ hai rugau el plirond.  
 El muossa la cruna dil Crucifigau:  
 „Il retg della paisch han ils pievels sbittau.“
- 25 Jeu sun viagiaus tier la sala splendusa:  
 Signurs en valì fan leu freidamein quens,  
 Dumbrond sin pupi per la mort stermentusa  
 Entiras armadas e loschs bastiments.  
 Tgi stat davostier cun quei frunt infernal?
- 30 Ei quei il demuni u Cain cun siu pal?  
 Jeu sun viagiaus per turpetg e tristezia  
 Naven dals combats sin in quolm isolau.  
 In aunghel stat leu el vestgiu de clarezia,  
 El stenda la spada sut tschiel videneu,
- 35 El bragia mirond sin il mund sanguinus:  
 „Columba de paisch, cu retuornas tier nus?“

### Il giuven herox.

(Nach Calender, S. 38, 1917.)

- El ei spartius. — En las annalas  
 Negliu stat in maletg digl um.  
 Sur d' el vegn mai plidau en salas,  
 Il scalper scalpra mai siu num.
- 5 L' uiara sa dal grond victur  
 Sa nuot dal giuven catschadur.

Jeu sai dad el. Sil pign senterì  
 Or el Tirol sun sepostaus.  
 Il saung dil cor a mi stess eri,  
 10 Vegness Sep Thöni emblidaus.  
 Quei num stat screts sin pintga crusch,  
 Jeu clom'el oz cun ferma vusch.

Dus onns eis ei: en paisch profunda  
 La casa stat en ers madirs,  
 15 Mellerà cotschna sin la spunda,  
 Las neglas penden giu dals mirs.  
 Bab, mumma, soras han de far,  
 Il Segner lai bein raccoltar.

Ei siara notg, il frar arriva  
 20 Si dal marcau tut suentaus  
 El cloma tier ils cars en stiva:  
 „Fagei per senn: assassinaus  
 Franz Ferdinand, nies venerau —  
 Scrocs digl uffiern han el mazzau!“

25 „Ei bucca ver! Vas en fanzegna?“  
 Sep bragia: „Fuss jeu morts per el!“  
 Ils auters tremblan: „Tgei menzegua!“  
 — Las neglas sper il fenestrel,  
 Ei tremblan era sco de dir:  
 30 L' uiaara! L' ura de soffrir!

Sep bragia. Na, pli caudas larmas  
 Han ils treis orfans gnanc bargiu.  
 El tema buca saung ed armas,  
 El ha sut armas bein surviu.  
 35 „Franz Ferdinand! — Jeu catschadur  
 Less oz murir per ti' amur!“

En l'olma giuvna plein clarezia  
 Emprema gronda, ferm' amur!  
 Emprema spada de tristezia  
 40 El cor dil giuven catschadur!  
 Aschi sfraccàu el mai bargess  
 Sch' en fossa sia spusa stess.



- Las larmas schigian, zenns resunan:  
 Fideivla Austria, ferm, stai si!
- 45 Sche sper la Donau gretas tunan,  
 Pilver, el sogn Tirol aunc pli:  
 Ein tuts fideivels, valerus,  
 Il pli fideivels essan nus!
- Sep Thöni marscha cullas roschas  
 50 Dils catschadurs imperials.  
 Sin tgau sgotatschan plemas loschas,  
 Ses égls terlischan sco cristals.  
 Solet in betsch tier il combat  
 Port'el sco mo la mumma dat.
- 55 Per crius combats sin las Carpathas  
 Sto'l betsch de mumma ditg cuzzar,  
 Per saung e neiv, per las granatas,  
 E sto si' olma pertgirar.  
 Sep sietta bein, mo mira mai  
 60 Cun égls crudeivels sils curdai.
- Amiez'gl uffiern cun égls migeivels,  
 Cun olma schubra el combat  
 Stat el sidretg sut pugns crudeivels,  
 Entochen ch'el ensemen dat.  
 65 El lazaret, sut jasters mirs,  
 Lunsch dal Tirol sto el suffrir.
- „Per miu Tirol lasch'jeu encrescher,  
 Laschei turnar mei tier ils mes!  
 Leu ha il Segner mei schau nescher,  
 70 Sauns vegn jeu mo tiels Tiroles.  
 Car bab, ah, neu! — Hai jeu semiau?  
 Ti astgas buc, eis sez schuldau.“
- In vegl schuldau, mirei! arriva,  
 El va cul fegl, ha bien quitaü.  
 75 Ed omisdus en cara stiva  
 Disquoran dal grev temps passau.  
 Ed omisdus ston confessar:  
 „Nus lessen sils confins turnar!“

Con tes confins ein demaneivels,  
 80 Bien catschadur imperial!  
 Sesend von casa, alvs e fleivels,  
 Ti miras giu sin vitg e val.  
 Tiu car Tirol, plai el a ti?  
 Damaun poss ver el buca pli.

85 Co ei la stiva plein clarezia!  
 Niessegner sez ha visitau  
 El sacrament della carezia  
 Il giuven moribund schuldau.  
 El ei cuntents — e vus bargis?  
 90 Pli che Tirol val' il Parvis!

Dal mir terlischan bi las armas  
 Dil catschadur imperial.  
 El mira sin ses cars en larmas:  
 „Pertgei bargis? — Quei fa mi mal —  
 95 Maria e miu aunghel car  
 Ein cheu — cun quels stoi viagiar!“

Cun quels eis el bein ius a casa  
 Il betsch de mumma aunc sil frunt. —  
 O paisch, da sia crusch serasa  
 100 Sur il Tirol e sur il mund!  
 Mo franc: il saung el cor rentass,  
 Sche jeu quei herox emblidass.

### Il crieu ded aur.

Dedicau als purs romontschs.

(Nach Igl Ischi, S. 165, 1911.)

Sin Crestas schai greppus e teis	Il buob sedrova d' empalar,
Igl er dil pur Flurin.	10 Ils dus tgaumogns van plaun
Da miéz Avrel leu aran treis,	E lessen entraviers passar,
Bab, mumma cun lur pign.	La tretscha tagl' il maun,
5 Tschaghèra roccla tras la val,	Las gaultas brischan al mattatsch,
Dus bos zacudan il stadal,	El bratta mintgaton il bratsch —
Davon giu las totonas pendan,	15 Il crieu fa giombers e sviescha,
E grevamein las travs sefendan.	Ch' il bab marmugna e smuldescha.

- La mumma va cul tgaun a bass  
 E sdrappa il zarclém  
 E mira mintga quater pass  
 20 Ensi tier il Suprem:  
 „O fai la crusch sul pauper pur  
 Che fa cun grettas la lavur! —  
 Sche nus luvrein aschi malidi,  
 Co lein nus aunc, ch' il Segner gidi?“
- 25 Snueivel va il crieic afuns —  
 Hist! hott! va 'i tur a tur.  
 Ils stels daghiran sco izuns  
 Ord tuts cavegls dil pur.  
 „Quei ei strapaz de tut sesfar,  
 30 Ei zucadem de sestrunglar!  
 Sche vul ei infinita possa  
 Per far al graun la pintga fossa!“
- Uss ein ils suoles osum menai,  
 Il crieic per tiara vi;  
 35 Uss stauschan o, dal giuv spindrai,  
 Ils bos lur berls stendi.  
 Selegra pur, baul vegn tiu er  
 A spender monas pil garner!  
 Mo pur Flurin fa tschera brutta,  
 40 Sco sch'el havess la bratscha rutta.
- „Pilver, jeu sun dil crieic unfis,  
 Traso cul nas el tratsch!  
 Ils auters han il paradis,  
 Il pur ei in pupratsch.  
 45 Schi liung e lad sco il solegl  
 Sclaresch' il mund cun siu lamegl,  
 Ei franc il crieic la menadira  
 La pli macorta, la pli stgira.“
- Igl er schi grevamein araus  
 50 Retscheiva il dumieic,  
 Vegn arpagiaus e vegn rischlaus,  
 A casa va il crieic,
- Ed en clavau bein ed endretg  
 Ruauss' el staunchels sut il tetg.  
 55 Sigl er ei tut murtgiu ed eri,  
 Tut sco las fossas sin senterì.
- Sur las montognas vegn il Matg  
 Culs dis sereins e blaus,  
 Cun plevias lomas gest sco latg  
 60 Buent'el ers e praus.  
 Sin Crestas miran ils verdins  
 Ord tgina aunc pignets, zaclins,  
 E beiban di per di rugada  
 E vegnan bials e fan parada.
- 65 Ei vegn sogn Gion de mesa-stad,  
 Ch'ei schi pussents e buns;  
 Il caul fagugn, quel ei siu flad,  
 Ses égls ein sco tizuns:  
 El tegn il bratsch sur seifs e pals,  
 70 Igl er fa ussa crests e vals,  
 Las spias melnas benedidas  
 Ein ledas sco d'amur surpridas.
- La stad ei ida tras la val,  
 Las schualmas ein daven;  
 75 Las monas schaian sigl iral —  
 In di de legherment!  
 „Ei dat o bein, dat massa paun,  
 Quei dat per pardanonzas graun,  
 Dat pettas finas tier la groma!“  
 80 Cun mauns a Diu la mumma cloma.
- Flurin il pur sto consentir,  
 La dunna ha raschun;  
 La fatscha brutta fa de rir,  
 Mirond sil grev mantun.  
 85 Furschond ils pugns di el da bass,  
 Sco sch'el empau seturpigiass:  
 „Lavurs maltscheccas, tarladidas —  
 Pli legher eis ei, far ventschidas!“

Han buc ils bos sin prau megü?  
 90 Gebein, da legherment!  
 Il bien solegl va da rendiu,  
 Il crieic sut tetg sclarend.  
 Cheu clom'il buob, stend sil dumiec:  
 „Mirei! Ded aur ei oz nies crieic!“  
 95 E mumm'e bab dad ault confessan:  
 „Nies crieic ded aur! Con rehs nus essan!“

### Il davos di dil caplon Condrau.

(Nach Gasetta Romontscha, Nr. 16, 1899.)

Cun l'alv' ei a Rueras oz glisch el sanctuar,  
 Gia sbrinzlan las fanestras, candeilas ardan clar.  
 Il pievel oz serimna cun prescha beinmarvegl,  
 Avon ch' ils quolms terlischan els radis dil solegl.

5 Co statan en schenuglias, urond, bargiend els bauns,  
 Las giuvnas tujetschinas, las rietschas de dunauns!  
 Lur vestas ein oz alvas, ils mauns aschi tremblonts,  
 E cun lur mummas bragian sin bratsch ils pigns affons.

Odem baselgia statan ils umens en rudi  
 10 Cun fatschas anguschusas dil giuvenessendi.  
 Entuorn entuorn baselgia formeschan ina seif  
 Turschets e buis e spadas plontadas ella neiv.

Tadlei! Il zenn semova, el tucca cun fracass,  
 Baul tucca sco de stuornas e baul sco sch' el plirass.  
 15 Snavur il pievel carga, el crei tut tementaus,  
 Ch' il di dellas posaunas per el sei arrivaus.

Uss pass' ord il teschamber Sur Giachen, il caplon,  
 Ad el cun rassas cotschnas dus buobs van ordavon.  
 Igl um de fier e possa, — oz eis el sco sfraccaus,  
 20 Siu egl, de fiuc antruras, cun larmas ei bognaus.

La sontga Mess' entscheiva. Il venerabel um  
 Di oz cun vusch tremblonta: Dominus vobiscum!  
 Mo quella lunsch retuna, sco sch' ella less curnar:  
 Ils lufs entuorn las nuorsas entscheivan ad urlar.

- 25 Finid'ei uss la Messa, il carezau caplon  
 Sevolva tier siu pievel: „Oz vegn il luf scarpon:  
 O cars, surdei las olmas al Bab en tschiel leusi!  
 Aunc oz miu pievel vesel, aunc oz e mai na pli.
- Il Segner tei pertgiri, Tujetsch, o cara vall,  
 30 Cu fem e flommas spidan las buccas de metall!  
 Ils mirs de nossas casas, quels vegnan oz stremblir,  
 La neiv e — l'innocenza oz vegnan secotschnir.
- Jeu vi bugient cuvierer la vall oz cun miu maun,  
 Jeu vi bugient oz sponder per vus miu agien saun!“  
 35 Il bien caplon retuorna cun larmas giud'gl altar,  
 Tuts pliran sco ils orfans, che ston il bab satrar.
- En buca ditg giud plauncas ramplunan ils canuns,  
 Atras la neiv serunan ils jasters battagliaius.  
 Cun rabia sedefenda il pievel de Tujetsch,  
 40 La neiv vegn oz bognada da tgietschen suadetsch.
- Per nuot! — La petschna roscha untgir sto anavos,  
 Sco ina bova vegnan ils grenadiers franzos.  
 Cheu passa von l'armada il majestus caplon,  
 El vul spindrar la giuvna, il vegl ed igl affon.
- 45 El stat avon las rietschas, el clom'alzond siu bratsch:  
 „Quel, ch'ei leusi, defendi nies car e sogn terratsch!“  
 O audas, tgei canera! In rosch dils furibunds  
 Sin il caplon sederscha, ch'el dat sfraccaus a funs.
- El schai en saun e plagas, el aulz'igl egl murent,  
 50 Il fleivel maun el aulza en siu davos moment.  
 El vul, avon ch'el sparti, la vall aunc benedir,  
 Per quels ch'el ditg viveva, per quels vul el murir.
- La sera bragi' il pievel rimnaus el sanctuar,  
 El mira sin la bara tschentada von gl'altar.  
 55 Cheu di in um: „Sur Giachen en tschiel ei glorius,  
 El viv'e vegn a viver adina denter nus!“

**La canzun romontscha.**

(Nach Gasetta Romontscha, Nr. 24, 1913.)

(Salid als amitgs della historia ed antiquitat, redunai a Mustér ils  
8 de Zercladur 1913.)

Amitgs fidai ded olmas gia vargadas,  
Vus protegis sin stauncla tuor la crusch,  
Il tabligiau, che tegn ensemen strusch,  
Ils tacs e tocs de valerusas spadas.

5 Cartei, en la Cadi sin vos viadis  
Anfleis vus tscheu e leu in scazi vegl!  
Da crap e preit resplenda il solegl  
Da Carli 'l Grond aunc giu sin ils beadis.

Tgei bials maletgs e vuts dils sanctuaris,  
10 Els quals urav' il pievel de combat!  
Igl jester vegn e mira e surstat:  
„Ils purs dils uors ein buca stai glimaris!“

Sche fuss ei ver: la greppa sur valladas  
Pertgiran bein las olmas cun vigur,  
15 Ch' il pievel resti ina fina flur  
A miez las sontgas preits schi bein ornadas.

E tonaton, amitgs, 'glei buc avunda  
Culs documents de crap e de colurs!  
Tgei tun' el fenestrell davos las flurs?  
20 E neu da quolms e valls il pégn rispunda.

Ei tuna misterius sco veglias detgas  
En stivas bassas, tuna sper ils begls,  
Sin aultas alps ed ord ils cudischs vegls,  
Las fiastas tun' ei sper las sontgas petgas.

25 E tgei ei quei? Ord olmas schi profundas,  
Canzun romontscha, semper végnas ti  
Sco fier roman schi ferm, schi lom e bi  
Sco Ovid ha cantau sper trestas undas.

En questa vall mai vegni quel che tschontscha:  
30 „Mirei! In monument dil temps vargau!  
Aschia ei pli baul vegniu cantau.“

— Ti astgas mai murir, canzun romontscha!

**Il vegl tiradur tiroles,**

(Nach Gasetta Romontscha, Nr. 38, 1915.)

- El fuv' il pli frestg e famus siettanoda,  
Sils quolms dil Tirol curaschus catschadur.  
Sco tats e basats practicavan la moda,  
Less Poldi restar cun barb' alva sittur.
- 5 La dunna po rir: „Tia flur ei vargada,  
Culs premis en stiva fas vana parada.“
- 'Gl onn quindisch el Matg ha l'Italia bella  
En fatsch' als Austriaes bess il plaid engirau.  
Vegl Poldi fa prescha, pren giud la clavella
- 10 La buis e ha aunc ils beadis bitschau.  
El marsch' enamiez cun la rosch' uregionta  
E smeina uiersch sia buis terlichonta.
- Ei va sils confins dil Tirol silla greppa,  
Leu vegn ei cavau per ustonzas e foss,
- 15 Leu spetga el freid ed en aria stepa  
Vegl Poldi unfis: „Ussa fai sco ti poss!  
Pli legher ei stau silla pézza la catscha,  
Mo cheu el terratsch vegn mi marvla la bratscha.“
- Alpinis arrivan. „Mo spetga, bargada!
- 20 Ti prendas a nus buc in soli sablun. —  
Jeu stoi giuedora, stoi ver la vallada,  
Jeu poss buca star pli en stretga perschun.“  
In segl ord il foss, sco il tschess, che sevila,  
Vul Poldi retscheiver l'attacca hostila.
- 25 El stat sin il grep, el ha bess la capiala,  
El aulza la buis tier la flomma digl égl:  
„Otg ballas de plum, e la nota ei biala!  
Vus stei mo el foss, quels domogna in vegl!  
Lein ver, co las ballas quels laders oz nodan!
- 30 Vus auters dumbrei, conts alpinis oz crodan!“
- In siet ed in fem, in da meins della roscha!  
E spert il secund ed il tierz ed il quart.  
La fatscha dil vegl tiradur vegn pli loscha:  
„Quels han dil Tirol en perpeten mai part!
- 35 Fa tschun — e fa sis — e ti eis il siatavel —  
Quei plum, il davos, sto tgular tiegl otgavel!“